



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DCXLIX. ad annum DCLXXVI.

**Parisiis, 1644**

Canones Avgvstdvnenses S. Leodegarii Episcopi.

**urn:nbn:de:hbz:466:1-15300**

ADEODATVS C. AVGVSTODVN. CONSTANTINVS POG. IMP.  
PAPA. THEODERICVS REX FRANC. 497

ANNO  
CHRISTI  
670.

CONCILIVM AVGVSTODVNENSE  
SANCTI LEODEGARII AVGVSTODVNÆ  
CIVITATIS EPISCOPI, CIRCA ANNVM CHRISTI DCLXX.  
Adeodati papæ II. Theodorici regis IV.

**I**N antiquissima collectione Canonum, e bibliotheca ecclesiæ An-  
degauensis, producuntur titulo XLIV. qui est de monachis & mo-  
nasteriis, Canones aliquot ex hac Synodo, qui omnes ad discipli-  
nam monasticam spectant, inscribunturque Canones Augustodu-  
nenses S. Leodegarii episcopi. Neque tamen vniuersi eo loco de-  
scribuntur, sed quibusdam prætermisssis, hi dumtaxat qui sequuntur.

CANONES AVGVSTODVNENSES  
S. LEODEGARII EPISCOPI.

I.

Primus titulus hic est monasticæ disciplinæ, vt  
abbates vel monachi peculiare non habeant; & mo-  
nachi ab abate vietum & vestitum consuetum ac-  
cipiant.

v.

Vt compatres nullus eorum audeat habere.

Iuo part. 7.  
cap. 100.

V I.

Vt in ciuitatibus errare non inueniantur. Quod  
si causa vtilitatis monasterii, cum literis abbatis sui  
ad archidiaconum ciuitatis scriptis dirigantur.

V III.

Vt abbatи suo ac præposito sint obedientes.

X.

Vt nullus familiarites extranearum mulierum  
præsumat habere; & qui inuentus fuerit, seuerius  
corrigatur. Vt mulieribus in monasterium mona-  
chorum nullatenus ingredi liceat.

Statuimus atque decernimus, vt nullus mona-  
chum alterius absque permisso sui abbatis præsumat

Concil. Tom. 15.

Rrr

498 ADEODATVS C. AVGVSTODVN. CONSTANTINVS POC. IMP.  
PAPA. THEODERICVS REX FRANC.

ANNO  
CHRISTI  
670.

retinere: sed cum inuentus fuerit vagans, ad cellam propriam reuocetur, ibi iuxta culparum merita coercendus.

X V.

De abbatibus vero vel monachis ita obseruare conuenit, vt quidquid canonicus ordo vel regula S. Benedicti edocet, & implere & custodire in omnibus debeant. Si enim hæc omnia fuerint legitime apud abbates vel monasteria conseruata, & numerus monachorū Deo propitio augebitur, & mundus omnis per eorum orationes assiduas malis carebit contagiis.

Sint monachi omnes omnino obedientes, sint frugalitatis decore pollentes, in opere Dei feruentes, orationi instantes, in caritate perseverantes: ne propter negligentiam, aut inobedientiam, hoste circumvente ac rugiente & quærente quem deuoret, cibus efficiantur. Sit eis cor vnum, & anima vna. Nemo suum aliquid esse dicat, sed sint eis omnia communia. In commune laborent, hospitalitatis omnino sint receptores.

Quisquis autem hæc a nobis Deo præcipiente dictata in confirmationē regularem monachorum tentauerit aliqua transgressione cassare, si abbas est, anno uno ei communionis potestas suspendatur; si præpositus, annos duos; si monachus, aut fustibus verberetur, aut a communione, & Missa, & caritate annos tres suspendatur. Iustum enim est, vt subripientia vitiorum semina falce iustitiæ resecentur; ne dum simulatione continentiae nutriuntur, ita siluescant, vt nec securibus excidantur.

Ad Augustodunensem præterea S. Leodegarii Synodum referendus videtur Canon, qui in altera collectione Canonum e bibliotheca S. Benigni Diuisionensis, atque in aliis citatur, appellaturque primus Canon Augustodunensis his verbis: